


籌辦夷務始末

同治朝
卷六十九之七十

347911
50000



籌辦夷務始末卷之六十九

同治八年己巳十月辛丑總理各國事務恭親王等奏竊

查法國使臣羅淑亞因四川貴州教案未結屢向臣衙門多方爭執並自繕摺件求為代遞業經臣等先後奏奉

諭旨飭交協辦大學士湖廣總督李鴻章等迅速辦理在案乃於

九月二十九日該使臣復遞照會一件大致以擾害天主

教事件伊署理一年之久盡心期望了結竟屬徒然仍謂

酉陽州殺死教士兇犯未獲貴州教士在衙門殞命未得

滿足完結之法並牽敘湖北天門縣山西豐鎮廳河南南

陽府及廣東九龍司未結各案藉詞要挾聲稱會同本國

提督赴江西湖北四川定於十月十八日離京向滬在該口暫住十天後同三四隻兵船前往漢口待至十一月二十七日若無教士知照前來得滿足之結該使臣卽往四川所期之平允完結有三一參調四川總督及貴州巡撫二拏獲殺李教士人人共知之先犯嚴懲三傳拏張佩超並審訊遵義之官羈收布林趙三教士一人被傷殞命情節等因臣等查該使臣照會所言殊多拉雜其注意在四川貴州兩案而各省未結之案亦全行羅入以為藉口臣等逐案詳覈四川貴州兩案業經奏請

飭交李鴻章分別查辦惟四川案內殺死李教士先犯迄未查確

前據成都將軍崇實。四川總督吳棠。函稱教士李國安在教堂內焚斃。既非殺傷。卽不能指出首先下手之人。前獲劉幅。係焚毀教堂正犯。而該使臣照會。則據該處教主范若瑟之言。指張佩超為案中正犯。兩不侔合。現在既經

飭交李鴻章查辦。應由該督秉公覈實。確查真犯。持平覈辦。其貴州教士在署殞命。是否因傷。及有無勒令教民出教等情。現尚未准覆到。至該使臣所稱湖北天門縣燒毀教堂。擾害教民一案。甫於本年九月二十五日。接據該使臣來函。卽經咨行湖廣總督湖北巡撫查辦。山西豐鎮廳一案。事關教民地畝。亦於本年八月十九日。據該使臣函送教士

稟稟咨行山西巡撫察哈爾都統查辦。其河南南陽教堂一案。屢經奏咨催辦。前據河南巡撫覆稱。擬將城外之鐵瓦廟。紫竹林二處。聽該教士揀擇。教士託病不見。見面後。又稱抵換不能作主。以致延宕。復經臣衙門於本年五月間。咨催速辦。廣東九龍司一案。因法國建造天主堂需用石塊。由兩廣總督飭派委員及新安縣與領事教士公議。將九龍司牛頭角等山。畫出三十丈。立限三年開採石塊。迨限滿後。該處教士請准再展三年。寬展十六丈。言明限滿時。無論天主堂完工與否。交地方官將山封禁。立有合約為憑。臣衙門於本年二月間。行文兩廣總督。催令依限。

辦結。該使臣不能憑空再行展限。轉以臣衙門阻攔為詞。冀遂私心。更出情理之外。至江西一省。雖有交涉教民事件。均經臣衙門咨行該省。按約辦理。該使臣亦未指出何案。臣等於以上各案。無不隨時隨事。速為酌辦。乃該使臣總以所欲未遂。肆口嘵嘵。若將決裂。所稱定日赴滬會同提督。攜帶兵船。前往各省之說。雖不得謂非虛聲恫喝。然止之則益張其跋扈。聽之或竟實其言。當此藉端尋釁之時。難保不借此別生枝節。臣等公同商酌。擬先照會該使臣。與之逐案詳論。仍允為催辦。理直詞婉。莫折其虛憍之氣。所有各省未結各案。必須該督撫設法籌辦。以期速結。相

應請

旨飭下湖廣總督李鴻章。四川總督吳棠。成都將軍崇實。貴州巡撫曾璧光。湖北巡撫郭柏蔭。兩廣總督瑞麟。兩江總督馬新貽。江蘇巡撫丁日昌。江西巡撫劉坤一。河南巡撫李鶴年。山西巡撫李宗義。察哈爾都統文盛。各將交涉案件迅速妥結。毋任激成釁端。致礙大局。

恭親王等又奏。再此次羅淑亞。前赴江西湖北等處。據稱會同水師提督。隨帶兵船三四隻。固係為藉端挾制之計。惟其桀驁謬戾。迥非尋常可比。將來沿途所過地方。如有交涉事件。該地方官自當按約以禮明白開解。不得避匿。

設卸措置失當以致別肇釁端相應請

旨密飭各該省督撫一體遵照妥辦

諭軍機大臣等前因四川酉陽州民教仇殺貴州遵義縣民教互爭兩案疊諭李鴻章等迅速查辦諒該督等業已分別辦理茲據總理各國事務衙門奏稱法國使臣以酉陽遵義兩案未結臚列湖北山西河南廣東未結各案藉詞要挾並聲稱會同該國提督攜帶兵船前赴江西等處急求各案了結等語中外定約以來各督撫於民教爭訟各案每以正光未獲人證未齊為詞累月經年案懸莫結以致該使臣從而生心砌詞尋釁朝廷撫馭中外原以誠信相孚豈得授人以隙轉遂其虛聲恫喝之

謀。所有酉陽遵義兩案。著李鴻章、崇實、吳棠、曾璧光、懷遵前旨。將酉陽案內劉幅、張佩超等。究係何人正犯。按律懲辦。遵義案內教士身死。是否該縣保護。因傷殞命。抑係另有別情。趕緊查明審結。不可稍涉含糊。亦不得再事遲延。致生枝節。其天門縣豐鎮廳、南陽府、九龍司。未結各案。卽著瑞麟、文盛、郭柏蔭、李鶴年、李福泰、李宗義。分別迅結。江南、江西兩省交涉事件。亦著馬新貽、丁日昌、劉坤一。隨時妥辦。毋稍稽延。李鴻章等身膺疆寄。皆為國家倚任之人。嗣後遇有中外交涉事宜。務須持平辦理。不可豫存歧視之心。尤不可盡諉之總理各國事務衙門。而令該使臣等曉曉置辯。迄無了期也。至羅淑亞會同該水師提督

隨帶兵船前赴江西北四川等處。雖不至卽肆鴟張。而此次臚列各詞。不無憤恨。該使臣業稱於本月十八日帶船前行。將來沿途所過地方。著各該省督撫嚴飭各地方官。按約妥辦。遇事開解。不得互相推卸。別滋事端。總理各國事務衙門原摺一件。片一件。及羅淑亞照會一件。均著鈔給閱看。

法國照會

為照會事。擾害天主教各件。本大臣自署理欽差一年之久。盡心期望了結。竟屬徒然。本大臣如何懇請。未得貴衙門效驗辦法。或有責備欺侮。鰥寡及殺害教士。兇頑一言。若有詢及。從未接聞有轉飭查明等言。惟聞轉飭該處被

告之官。作為調理之人。以塞責耳。查去年十一月二十一日。張佩超聚集惡夥。用百陽州地方官所借之礮。並遵照該官所准攻擊教堂。搶掠財物。殺害念經之教民及二教士。一係法國李姓等情。本大臣照知貴衙門。懇請設法拏獲該犯。以期平允。貴衙門心存繞避。巧為推諉。吳制臺。錫道臺等。乃控造謠言。以張佩超為閉門畏事。毫不與聞。詎知張佩超係此案正犯。其子已在殺李教士兇犯之中。拏獲本大臣又催迅辦。貴衙門派仇恨教民及教士之李官保查辦。貴州官將教士羈留在衙門。以致教士因此殞命等情。貴衙門還係委派不可分身一時兼理蜀黔之李官

保。況其甫出湖北之時。該處卽燒毀天門縣教堂。擾害教民。地方官尚未得過。山西豐鎮廳一案。已歷四年之久。河南南陽府還堂一案。至今仍與未辦無異。貴王大臣阻攔兩廣總督再允准用九龍司之石頭。此項石塊。採用蓋堂。並無損於人。且有益於挖石之數百人。餬口有資。再本大臣查同治七年九月二十四日。據貴衙門密奏之言。有云傳教一案。自難顯為禁止。與現今各處仇殺教民之慘比較之。是今之所敢行。實由前之所豫擬而出也。中國官不用妥速善法。以懲案中罪犯。應知嗣後鬭鬪。致與法國有同力之國。心不悅服。看輕和約。況

顯皇帝在位之事。曾幾何時。竟欲度外置之可乎。法國曾豫為言。明要保護習教和約主意。中國遵照而行。各款此為緊要。貴王大臣辦理不協。必待本大臣豫言滿足而後完結。如至勿用辯論之際。易近於無可辯論之行矣。本大臣同本國提督商定。十一月初。前赴上海相會。向江西湖北擾害天主教各地方。再由漢口向四川。所帶隨從之人。任便足數。免官民人等輕慢。本大臣親查該省及貴州情形。以便知照本國。定於十月十八日。離京向滬。在該口暫住十天。以辦本國公事。嗣後同三四隻兵船前往漢口。十一月二十七。日。若無教士知照前來得滿足之結。本大臣方向四

川。本大臣所期平允完結有三。第一參調四川總督吳。及
貴州巡撫曾。第二拏獲殺李教士人人共知之兇犯嚴懲。
第三傳拏張佩超。並審訊遵義之官。羈收布林趙三教士。
一位被傷殞命情節。如本大臣未到漢口之先。李宮保仍
有時日妥辦。以便知照本大臣完結各案。至山西廣東交
涉事件。望貴衙門辦結更善。為此照會。

丙午。三口通商大臣兵部左侍郎崇厚奏。竊。於九月二
十八日。承准軍機大臣字寄。同治八年九月二十七日奉
上諭。沈葆楨奏。新造輪船赴津。請派大員勘驗一摺等因。欽此。等
前接沈葆楨來咨。以第一號輪船試演漸熟。專員監駛赴

津候驗咨會前來。隨於九月二十一日。據監駛輪船之前
臺灣道吳大廷。管駕官遊擊貝錦泉。福建候補同知黃維
煊等稟報。新造輪船。由閩駛抵津郡。停泊紫竹林新關下
候驗等情。於於本月初二日。帶同天津鎮總兵陳濟清。通
商委員江蘇補用道陳翰芬。候補同知許之泰。黃惠廉等。
並選帶熟習輪機之洋人。前赴萬年清輪船。周圍勘閱。勘
得該輪船船身按部尺長二十三丈八尺。有奇。廣二丈七
尺八寸。有奇。船頭高二丈六尺一寸。有奇。船尾高二丈三
尺三寸。有奇。前後汽壚兩座。前壚火門五高一丈六寸。有
奇。深九尺九寸。有奇。廣一丈五尺七寸。有奇。後壚火門四

高深均如前礮。廣一丈二尺五寸有奇。礮後安設機器。器高一丈二尺有奇。座廣九尺有奇。長一丈有奇。船尾暗輪一架。以及桅舵煙筒煤艙舵表氣表遠鏡號鐘等件。逐一詳細勘明。實係船身工料堅固。瀛壚輪機靈捷如法。復親督該鎮道委員等舉火試輪。由郡城海河趁潮赴大沽海口。駛出攔江沙外大洋內。飭令管駕官遊擊貝錦泉督帥水勇將船上大小礮位連環演放。該船在大海之中。衝風破浪。船身牢固。輪機堅穩。舵工礮手在事人等。駕駛演放均極操縱合宜。動作嫻熟。與沈葆楨所奏試演情形均屬相符。且查該輪船有管駕官遊擊貝錦泉。以下正副管輪